



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 一二七

西軒詩集六卷 邱象隨撰

一

在陸草堂文集六卷 儲欣撰

一二九

古鉢集選一卷 王士祜撰

二六九

笠山詩選五卷 孫蕙撰

二七七

流鉛集十六卷 吳農祥撰

三三一

西園詩集八卷 李枝芄撰

四二三

吳太史遺稿一卷 吳光撰

五四七

使交集一卷 吳光撰

五七七

西軒詩集卷一

甲申

乙酉

丙戌

丁亥

戊子

山陽邱象隨季貞

甲申三月北望痛哭作

痛哭機槍犯泰階九重遙望滿煙霾御刀義賜雙妃烈
血詔恩遺萬國懷社稷與亡龜歷少關河層阻蠟丸車
那應靈武無消息白日荒荒落大淮

北固山下望瓜洲火

驚鳥飛無定連江火復然呼號震山麓渡口亂開船

烏程席上呈朱夢庵大令

四海無君日逢飄萬里身俯膺將進酒過眼暫時人亦
伏符難待新亭淚欲噴真源亦縣令戮力肯逡巡

客烏程元妙觀夜呈大兄霖川

火烈天南六月威醫年離亂失庭闈他鄉廢寺無人問
盡夜啼鴉滿樹飛

○德清何蓋吾主簿見招

流離傷國破萬事苦悲辛舉足皆窮路垂頭少故人欣
傳荒邑吏許伏異鄉身當厄難為感平生何處親

客中恭懷 兩大人

羽書飛不斷含淚望高旻九我今何在恩勤仗別人

病中呈外祖張又參太公

勺舞有餘歲雙親曾幾疎忽擣千里外更卧一床初清
肺調瓜果滋脾擇笋蔬是甘分大父生我更何如

奉別何蓋吾主簿之京

亂離真見古人情夢路何曾識德清夏屋半年如一日
陽關雙淚此三聲幾憐旅病親調藥更計歸船借護兵
欲報微躬君父外向余白骨是先生

夜過吳江聞鴈

秋風一葉出吳江明月高天白鴈雙今夜飛鳴聽歸路
搃無書信我心降

入京見 兩大人呈諸兄弟

着眼餘生白日迷片帆今下石城西舊京形勝真龍虎
半壁人煙絕鼓聲明發夢中收去住劬勞天外得悲啼
始憐多難渾經盡兄弟傳餐遠膝齊

懷故鄉

天地彭排未有涯日燒蒼木誦南華肯輸張翰專羹與
却望秋風何處家

○送二兄久也三兄曙戒從 大人出京督餉

烽火連關海浮生骨肉難他鄉纔共被今夕又分餐木
葉無邊脫江聲一片寒高親南北望努力各承歡

乙酉

石城橋送大兄霖川北歸

石城橋上汲雲衣，鴈雲中直北飛。愁向春風看楊柳，臨江萬樹總依依。

聞揚州城破不得二兄久也三兄曙戒消息

大江南北起飄風，悲我登岡泣轉蓬。萬騎奔馳溝水外，孤城摧壓堠烟中。淒淒昏雨笳聲黯，渺渺荒原鬼火紅。五月天寒如朔漠，高瞻何處有來鴻。

奉母居城西山中

宇宙真離亂，吾家最可傷。父兄三地隔，母妹半山藏。見鬼翻無畏，逢人輒自忙。異鄉搜欲殺，魂定夜茫茫。

被繫金翼如年伯救免詩以識之

各懸生死日，誰肯爲人援。刀刃臨吾頸，身家贖此魂。中藏孤下泣，再拜絕言恩。但遣騎高馬，飛鞭慰倚門。

大兄霖川三兄曙戒至金陵宅舍

竟有生逢日，高張眼逼真。極歡翻一哭，餘痛黯相親。白日他鄉夢，青天隔世身。不須詢往事，彼此重酸辛。

憶二兄久也呈大三兩兄

弟兄相向好，至悅每傷神。烽火還三月，仙離獨一人。往來憑短夢，生死仗高旻。痛哭吾何敢，中庭坐老親。

乙酉中秋泊虎邱山下

丙戌

徹夜笙歌舊虎邱，吹笳擊柝在山頭。月明一岸無人跡，閒殺花開白桂秋。

游墅署中月夜

仰頭明月出高樹，下照空庭未肯去。抱關鳴柝空復催，今夕秋聲落何處。可憐寒鴉夜亂飛，不如烏鵲巢中歸。

乙酉除夜新歸故鄉恭懷兩大人金陵

鍾山何處是，極目燧煙餘。日月將開晦，乾坤肯信除。歲分千里守明發，二人踈萬事潛垂淚。生還故土初。

再入金陵省兩大人

親見降旗出石頭，一城畫角尚悠悠。經年宿草銅駝沒，近曙鳴鐘御苑收。天塹幾時曾北限，春江到底只東流。

白雲愛是高飛處，儘把晨昏努力求。

崔季羈夫子席上有感

放眼豪華憶舊遊，無邊風雨秣陵秋。牛羊自入烏衣巷，荊棘平遮桃葉洲。肯把釜鬻湖上待，已教車轄井中投。等閒每薄齊梁事，江左何人第一流。

江頭獨步

石碣山前傷畫秋，斜陽猶照閩江樓。高天鴈影背人去，兩岸蘆花相向愁。

中秋月華和謝二峯夫子

重輪護靈景誰復應具祥太陰假陽焰而亦成文章仲
秋殷此夕厨烟靜不揚良朋望我屋羅列陳酒漿寒蟬
噪高柳蟋蟀鳴曲房微雲西南行皓魄爲之藏豈無燈
與燭幽翳弗可康清飈振林木人影上階堂河漢若爲
掃圓方辨鯉魴仰觀素娥輩玉杵擣元霜丹氣亦云足
蔚茲五色光願隨清露隨輔我慶顏昌慚無邱山報聊
舉夜明觴

○觀刈和謝二峯夫子

霜至水不歸寒光澄蕪穢敵滕衝縮速菱芡圖以碎婦
子挾鋌過傍隍旅進退後武方沒脰前武膝已迫刈禾
未數束漂冽失恒態饑寒雖足憂飢肌膚亦宜愛羨彼
綺羅人金屋烹鼎爲豈知盤中殮辛苦不可耐時艱壽
命輕睫之發深慨

自君之出矣四首

自君之出矣亂鳥喧臺榭聽出子規聲打起往客舍
自君之出矣深處垂簾樓堂前梔子花大半南風落
自君之出矣落葉下庭木不敢怨青霜但念前時綠
自君之出矣潛歸夢僕御作喚客身孤乘夜已復去

去金陵

傷我還爲不繫舟江聲滾滾任沉浮望亭幾下南朝泣

戊子

麾扇曾無名士留四鎮甲兵隨落照三園樹木燼高秋
楚風秦始緣何事坐使金陵王氣收

登燕子磯

一磯如燕子風浪狎江頭削壁千尋起孤亭萬里收漁
閒初出網鵲老慣依樓未改登臨勝煙波迴暮愁

秋江晚望

灘迴不知岸況當秋雨餘蒼茫牛馬亂震盪荻蘆疎估
客千帆進沙鷗兩翼舒洞簫何處發渺渺欲愁余

送客之燕

北路吾愁別雄開壯士顏馬蹄輕綠草人影掠青山李

子初游趙終生欲繫靈夜來何處宿枕劍白雲灣

午日

簫鼓成風俗喧喧競渡豪采蒲臨曲岸投黍下清臯世
事都如夢吾心祇自勞仰天一沉醉未忍讀離騷

過新城東平侯舊府

帥府高懸上將旗北門鎖鑰憶當時雲封畫閣眠龍犬
風冷陰槐叫野鷗清角行營人跡斷哀笳徹夜鬼燐吹
穿城力引長淮入只與浮舟下海涯

新秋

積雨不知夏飄桐始覺秋鳩來今夜聽火向直西流錦

字依燈織砧聲起塞愁憑樓閒送目當戶有牽牛

送王崑陽鍊師歸山

竹杖來南國方瞳怪野人魚龍琴底聽鷄犬藥邊蹲飯
結青泥古經傳碧篆新歸山秋正好松子落苔茵

寄張北石射陂

避地高君與世疎蘆花深處自幽居看雲日日賒村酒
聽雨時時讀道書浮艇欲隨天上下游魚還共月盈虛
蹇蹇囊野渡送秋水我亦煙波願結廬

閒眺湖心寺隱知上人精舍

長波夾古寺疎柳澹依依鐘越野煙沒香飄花雨飛食

餘山鳥下月影客船稀此際微塵念難辭慧遠歸

過韓侯釣臺

釣臺一片石千古何崢嶸伊昔鍾室去使我長不平淩
咽臺下水至今流悲聲咄哉未得志壽命誰重輕達人
保患難烈士奮功名推食餽餒夫甘心犀黥彭死為淮
陰侯勝於胯下生不見嚴會稽日日願鼎烹

登瓜洲大觀樓

層城迤邐畫樓雄四敞雲樓俯碧空萬古江流聽不盡
當前山勢望何窮獨傷北伐纔開府猶識南巡舊桂弓
消得鐘聲沉彼岸茫茫天地裏悲風

半塘妓席

畫舫開金屋花谿駐碧油聲憐吳語細腰姑趙妃柔宿
酒常餘倦新粧不解愁纖纖時拂髻蝶起玉搔頭

和大兄霖川姑蘇懷古

三吳自佳勝同此登高臺桑葉勿復還被裘安在哉
遑憐西施女醉舞銷金墨錦帆沒春草水庫委黃埃連唱
亦幾時紛紛越兵來霸業如轉軸時過即寒灰所以五
湖不使後世哀

同大兄霖川三兄曙戒桐園聽雨

兄弟靜相向瀟瀟何處聲鴉棲老樹簷溜亂殘更直

逼短檠暗徐移促織鳴連床今夜話最覺有閒情

讀史

吾愛于忠肅倒行醉糾紛天子如瓦注姑息徒斤斤功
成隨野興酒流放歡顏薄暮村煙起東臯負草還
地僻多佳趣蕭然水竹居閒尋五色草靜擁百城書松
陰支茶竈秧坡挽鹿車欲招彭澤令共把後園鋤

述懷

出門訪游俠入門擁名姬一飲過十斗下筆千言詩此
意渺不遂何以聲譽為結想夢黃農肝胆空在茲

寄金陵崔季輿夫子

有錯簡
田居二首

江上頻年未解兵，絳帷空憶舊降城。三山避亂依劉得，千里傳書別鮑輕。鴻鴈秋高天外影，鶴鵲原冷夜來聲。當時塵尾何繇近，長夢澄潭對月明。

己丑除夕

酒盡歡俱盡，歲除愁未除。寧堪過夜半，又作一年初。

新年

分明見慣畫堂中，立地新年迥不同。爲問盈盈剛十五，宜人蘭氣散春風。

漫感四首

始今疑定是揚雄，如厭州分九不通。庾信死生限南北，

蔡邕兒女落西東。畫臺名將猶披執亡國，忠臣坐贛聳回首。我憐纔纔絕角無端早陷亂離中。

刈蔴爲屨，楊爲袍。壯志頻將髻髮搔。邊火燎原開馬市，

楚弓收貯罷猿號。誰傾大厦催三路，自壞長城殲一毛。

刺把過江無限淚，中流放去讀離騷。

尚覺齊梁心事遠，中原遽落大星飛。願降開府空鷹鉞，

特起春官忍獻妃。桐水謝翱曾有淚，天山蘇武竟無歸。

桃花源滿逃秦者，萬古圮橋再跪希。

親見銅駝沒草萊，一年氣數有餘哀。中丞明哲非身計，

上相清貞是將才。東禦誰抽雄鎮去，北防自潰敵江來。

舊時翠羽如南渡，那便神州竟劫灰。

漫懷六首

勝天無計此心降，夢入莊生蝶一雙。道阻伊人烟極浦，家歸揚子月明江。雨中草自三春競，夜半鐘遙兩岸撞。最是雞聲啼不住，短檠明滅讀書窗。

自覺年來氣不馴，那須世路問高旻。荻蘆汀上芙蓉晚，楊柳樓前芍藥春。率意哭非遲暮淚，消魂黯是別離神。潯江司馬廬江吏，千古傷情第一人。

幾時人避武陵溪，新識高城罷鼓鼙。在戶三星還統鵲，辟塵一縷欲通犀。柳栽歧路應多折，鶯落殘春肯住啼。

天上廣寒何處是，長虹如錦苦爲梯。

誰解終身思舊恩，西方山隱不堪論。舌捫也學金仙鑄，頭洗還留玉女盆。柳絮白飛縈夢眼，桃花紅濕冷春魂。只愁天壤非人意，同泣三家萬里村。

附見玉榮亭詩庭閣架上見有桃花紅濕冷春魂句吟不能已樓馬有作朝來自覺最無端閣把入潛微桃花紅濕詩人翻前快果其姓名爲之怡然曉起庭閣一省晨重看細快出何人當頭名姓原來孰認定風規亦有神

負郭生涯有薄田，每思代食更凄然。一棹天地春秋轉，萬里風霾日月懸。醉後幾忘身是客，覺來猶憶夢中年。種禾瘠土無青草，莫謂良農力不前。

百年生計總蕭蕭風雨依人酒一瓢
假寐夢中曾是怨
苦吟燈下亦無聊閒尋野衲談因果
醉捉村童唱里謠
懶慢此情消不得
餐飧捫腹遣昏朝

詠桐四首

白月當窗照扶疎見直柯
天垂青影接慈旄綠陰過聽
雨成孤酌逢秋發浩歌
澧東有佳興此葉獨書多
萬卉爭榮發盈虛獨爾知
華須三月始落肯一秋遲古
調無今日朝陽有素期
亭亭垂戶外沈約漫生悲
百尺凌霄上何當卧此園
石欄藉題咏金井避窺喧
向晦望瑩泣乘時驚鷺鶩
榮枯一無意根幹本龍門

自愛中庭植憑看日幾迴
濃華晨際引新碧雨餘來只
恐樵蕪變將難倚實陪楚邱
如見伐終古是名材

松

磊砢高千尺何妨澗底安
蒼蒼冬自煖落落夏長寒
處士固其願大夫非所歎
濤聲聽不盡會與後凋看

杏

絢爛真如錦閒園盡意芳
濕紅垂暮雨淡白散春光
獨憶廬山器誰羈洛水韁
一枝長在眼裴氏有名莊

玉簪

未許簪葭倚臨風若有思
自矜幽淡性翻與艷陽期
林

下相逢謝山前舊姓施
滿園春皎皎碎月關丰姿

桃

遺世多嬌面風流最有神
白凝溪上晚紅艷洞中春
自覺開花久何期結子頻
每逢三月暮愁殺避秦人

黃楊

黯黯常如此孤生自屈伸
細枝攬鹿角密葉點龍鱗
直並蒼松古兼標翠柳新
寸長須歷歲一閏又逡巡

槐

最慚軒冕逐槐棘漫鳴珂
葉黑清陰重花含苦趣多
冷淘歎不減辜妾怨如何
零露濃濃望蟬聲滿綠柯

石榴

每綻常含血爲傷不及春
紅飛五月雨絳點萬花唇
獻實妃偏媚裁裙婦獨聲
遙看流火至片片足愁人

桂

久發淮南夢叢生動我吟
采山成綠酒落月碎黃金
不信勞柯斧何當代慶繁
殷勤招隱意把臂幾同林

枸杞

欲覓西河壽爲糧得幾枝
古城饒太守捫腹悟天隨
賓客貧無饌根花食有時
莫愁生白髮采采竟中宜

菊

窮陰花到菊似我閉寒軒彭澤留歸逕湘江愛夕猿
殘秋氣肅霜傲晚香存草木俱黃落陶然對一尊

梅

春壁孤園雪水開滿樹花肯因寒遂斂莫使折多又氣
入潛夫夢香生處士處家風期最幽遠自是冠羣葩

假山

真隱原無跡何妨碎買山攢峯通暗穴削壁點蒼斑亦
聳青霄上還盤碧樹間夜虛烟月靜四顧起潺湲

因是厂二首

小築因閒徑幽居意味長疎風開北牖淡月過東牆林

木無停響山花只暗芳擁書自高卧最愛把蒙莊

階前容地少橫倚一峯青懶性宜孤坐高懷畏獨醒夜
閒蒼樹蟲天敵白雲停依戶寒蟲入悠悠枕石聽

月夜

秋聲出何處吹月上空青細點非關露清輝不沒星夢
分千里共光徹九霄真聽盡孤蛩泣含情坐此庭

哭大兄霖川

骨肉浮生仗高呼斷我魂精靈成永別酸痛識遺言瞻
父窮千里迎兒待九原更傷無限恨到死與誰論
不信人間路分離有夜臺寧當孤嫠泣復聽老慈哀寒

辛卯

逼空房起陰生素旒來視天真夢夢輕易妬高才

六年常不樂性性哭高旻歲月降醇酒精神棄婦人後
先追甲子生死一庚寅我日悲號者凋殘手足真

竟成費志沒忍過舊林園海竭魚龍曝天昏鳥雀喧一
庭荒日駐滿案亂書板二十五年事山僧伴墓門

刀圭投亂火良藥亦傷脾死獨依禪舍生長對鍊師潔
身今日還還夢幾時期大被分明在潛馬卧每遲

遙哭二兄久也二首

記向官橋送當時那愴神只言之任去竟作不歸人喪
乳頻年夢飄零何處身邗江舊明月冷投屋梁塵

只願天涯在何妨十九年屢疑鴻鴈影終痛鵲鴒篇池
草還依夢囊琴欲改絃此心愁不盡中夜淚凄然

贈友人

敏捷文章妙知君繼二枚到門無俗駕醉客有新醅古
調山中栢春風嶺上梅草堂自幽絕相與結陳雷

江干

片雲纔起處滿壓大江頭怪鳥驚危閣靈龜赴急流蒲
帆天影盡漁唱晚風浮走馬金山路蒼茫未可求

遊京口竹林寺

十里江城外山開古竹林通廚一澗遠俯寺萬松深石

乳清僧。骨花光。靜容心。隔巖荒草合。招隱足知音。

登虎邱

七里沿塘草青青。直到山看湖高塔。易認碣磧祠。艱游展家。家出禪房處。處關紛紜。齊在眼。獨送野雲閒。

登靈巖

一望青峯合。知從何處登。路旁招濯叟。花底問山僧。屐跡留。列石歌聲罷。采菱悠悠吳越事。明月在煙藤。

詠琴臺

亂峯積翠入雲攢。響簾長廊落照殘。半夜枯松滴疎雨。猶疑臺上美人彈。

詠梳粧臺

不對西村對太湖。雲鬟高整背踟躕。粧成只解供歌舞。擲鏡還思范大夫。

過五人墓

長空密浮雲。星漢皆斂色。雷霆並伏聲。誰爲散霾黑。逆璫昔擅威。日月胥晦蝕。燭火集秋蟻。氣節如灰熄。偉哉五男兒。殺身不自惜。競呼周吏部。囚首遭凶逼。義聲震天地。奮拳飽搏擊。校尉旣以藏。撫軍何其惑。魏虎邱旁碑。文千古。識我來行路。隅潛焉。淚沾臆。擔夫彼何知。亦爾共惻惻。正氣苟不凋。君側永無賊。

刻

訪真娘墓不見

荒墳纍纍潤潺潺。聞道真娘葬此山。紅玉已隨青草沒。空餘小字落人間。

吳門竹枝詞四首

閭關西去是橫塘。賣舫倡樓兩岸張。百八寒山鐘打盡。不曾驚散整鴛鴦。

櫓

山橋吳姬舒翠蛾。蛾飄飄送上最高坡。石柳裙趁條風起。似較鞦韆冶態多。

靈巖山下近天池。誰唱菱歌昔日詞。西子不來無水戲。提筐一路採茶兒。

風俗家家信賽神。一逢令節滿遊人。含情只在中逵坐。誰個如花不暫親。

過金陵家大人舊署

江上蕭蕭八月天。荻花白盡一鷗眠。淒涼舊吏迎相問。寂寞空庭黯自憐。幕府風迴刁斗外。臺城日落黍苗邊。俯膺獨畏寒宵望。獵火鍾陵幾處烟。

送大妹子歸王氏

初月本西出。弦滿漸東歸。歸東轉團圓。夜夜發清輝。人事苦樂半。結禍安可違。言念俱膝下。不覺涕霑衣。

謝二峯夫子留飲閣上

似為字
查原本
是尚字
非為字

青溪橋上正秋時如舊高齋命舉厄北望臺懸梁帝宇
西迎山卧蔣公碑共須獻賦爭先達那自看花肯後期
二十四航無問處滿城風雨皺寒絳

答靳茶坡吳太易過訪

好友翩翩過黃花正滿園披襟凭白石炊葉煖青樽冠
蓋羣兒責詩書我輩尊秋風迎戶起相向盡清言

送郭無尚之海灣

問君何處去海上看秋山日黑烟千點崖苗草一灣風
情隨放達意興率疎頑典酒淮陰市為洗離別顏

送三兄曙戒之燕二首

吾廬方塞向天地大寒中荒野迎頭雪孤驢到骨風客
懷憑酒放行李惜詩充不聽陽關曲揮鞭意氣雄
虛此東頭屋黃河晚渡船望庭經歲過落日倚門懸野
澗開雄覽慶高負俗憐鳴鷄出茅店愧我正安眠

送別崔季輿夫子

相依曾幾日作別已殘年月領長干夢水推射澤船絳
紗無列伎黃石有遺編身計文章外江河路皎然

病中送謝二峯夫子歸白下

夫子南歸去蕭蕭水一涯孤身翻是旅久客已如家歲
晚風聲苦庭昏雪點斜可憐春釀熟不共醉梅花

壬辰

送胡萬咸

歡君惟是酒爛醉我何辭歲暮自窮路天涯非舊期還
家妻子笑為客僕夫悲雨雪惡相送空吟縞紵詩

月下

靜夜開軒細清影對人閒邊傷
千里同明月半壁遠於萬仞山

一天寒月下西墀使我風前有所思昨夜夜深入夢
中庭散朗見吟詩

感遇二首

文章只有寸心知何用於陵說項斯懊惱聽歌依錦瑟
冥茫呼酒換金龜清筠亦恐移窻影破帽偏能戀髭絲

莫把才名高第五從來驃騎重當時
未須統袴少陵悲豎子成名自所宜范史釜塵原疊疊

董京衣雪故纍纍登車獨計窮途近獻賦還羞掃地卑
絳灌祇今多氣色荷鋤把釣是吾師

立春後懷家

立春後懷家 大人北邨
誰遣東風着意吹前川辭凍繫余深耕早竭犁鋤力明
發長吟雨雪詩殘歲尚存五六日新春忽過兩三時陽
開北極先乘令我魏花趨庭上枝

東郊

一望花飛思殺人紅飄輕輿散香塵從今黃土橋邊路

野草高低捲是春

附見玉蕊亭寒食東郊 繞覺春風二月清開紅
滿地綠千條紙錢一路飛 幽蝶定香車過土橋
又晚春鄰女約郊遊不赴 天上人間春是非無
瑞氣候輕衣花鳥家家去 強繡珠簾遠落
向東忽見庭前雙燕子 低頭無語入房幃又看妹
綢蠻 暗日初長小姊妹散自調桑葉弄朱盤何曾
辭憶繁絲盡愁作形銷骨化看又大姑宅荒關
相見懷恩遠窓聽諸書

耐閨詞

珍重羅衫仔細縫一針一線出心胸文章誤信能如錦
不設纖纖為我容

喜三兄曙戒歸里三首

南還音問少忽至最娛人宿疾看全解縹緲覺未親白
雲猶漫漫黃犬只跼踈幾個同懷者零丁竟一春
渡河滿蒙傑新得幾相知衆問朝堂事孤看客路詩泰
山初日麗易水變聲悲幸息山東盜安眠正有時
蘊隆何處避歸路却怡然計別無多日披懷似幾年壺
餐歎四座鞍馬棄孤鞭即掃東西屋晨昏共一編

禪扉

盡日禪扉倚未央慈雲樓下繫慈航淡紅衫子湖風起
併作蓮花滿岸香

附見玉蕊亭初秋依母過湘西蘭若 蘭棹雙排
禮法王中流浮動兩驚鷗引人滿堂青遠界如是

花香是藕香

漫感

落日下桐園秋聲暗到軒新蛩憎野澗孤夢畏星繁讀
史頻看劍吟詩自把樽古人珍重處太息與誰論

早秋月夜

一天明月愛高懸秋靜空階倍皎然珍重夜闌風露冷

近移花簾上庭前

附見玉蕊亭早秋月夜感賦 愛依明月生花陰
誰覺經秋涼易侵今夜風前共皎皎開人顏色照

觀別者

只此斯須立僕夫何相催班馬鳴前庭夕陽上高槐情
知長路別舉足意徘徊依惟願妻子低頭撥寒灰百問
勉一答其心車輪推兒女苦尋常昵狎戲門樓但呼豪
與栗明日多携迴轉身語弟兄嗚咽寡所該老人故莊
言何事此摧頽丈夫志四方勿效兒女哀毅然就前途
仰天眼不開親戚各已散秋風夕如雷駢駢去鞭影點
點空鏡臺骨肉不相知道路何悠哉人生各有懸掉頭
謝塵埃

夢於舟中見白玉二語醒而不忘為續成之

三星帶屋皎無涯夢泛張騫八月槎子夜初飛鴻雁影

天香未綻木樨花祇看白玉還留璞終愛紅鉛肯抱沙
珍重莊生秋水意百年身世一浮家

渡黃河

秋遠渾河澗風高鳥欲迴殷鼉鼓至疊疊土山來浪
浪中流雨天昏四面雷一帆懸未穩已渡白洋隈

送三兄曙戒之揚州

風流千古是揚州獨我西堂夢未收柳色暗牽亡國恨
宮音遙帶望江愁十三樓只懸珠箔廿四橋還繫畫舟
鴻鴈幾時一行下竹西簫管夜悠悠

秋雨歎二首

秋老離魂慘未招陰霾一片幾時消雞鳴入夜傷零落
燭剪無人慰寂寥南帳颼風沙蔽日東看鯨甲海添潮
當時直苦驕陽戾烟冷孤村人不燒
紅日中天未有期一庭獨坐俯銜危沉淪世路將何底
輕薄人情空爾爲盼斷晴鳩聲晚出愁深寒鵲意先知
今年禾稼誰能課正是盆翻甲子時

重到

重到湖州未較遲殷紅猶在合歡枝從今石上分明得
珍重香飛露濕時

聞家大人出守漢陽

世與浮沉名與逃誰曾牛帳夢三刀後湖把作淩梁水
春草都成狴犴毛且喜一麾鄉路近却憐四壁戰烽高
我疑抱甕人猶在熊軾南隨問桔槔

燈夕

花靜珠簾香靜篝止元佳夕自風流三城燈火一庭月
併照同心抵白頭

附見玉蕊亭燈檠錄燈夕作一別重逢已上元中庭明月半黃昏燈檠並生渾閒事尚後思來提

南浦春分

無計留君強送君野田鴉雀不堪聞生將故土悠悠別

春亦今宵漫漫分九折腸迴帆縹緲萬行淚下水潌潌

石尤却辭多情作使我荒厓戀夕曛

附見玉蕊亭南浦感賦不知天壤內何處使人歸柳陰鶯鶯立風前燕燕飛鳥絲分寶鏡紅淚下羅衣相向終無不減唐人句怨語花簾暗夕暉

復送

未盡離歌南浦前重飛高馬問行船依依薄岸垂春柳
漠漠長河生野煙下淚羅衣珍重着分絲寶鏡等閒懸
舊鄉此際情無極猶見烏啼落照邊

高帆

沒盡高帆空野津側身旋馬決霜巾幾年花下長同夢

一去春風是故人

附見玉蕊亭獨馬 輪口喧喧 象豎槐草屋 不動 布帆開晴煙鴻望飛 雙媒人傾斜陽獨馬迴

送三兄曙戒隨任漢陽

我奉萱闈守故城扁舟今夜不隨行煙波若爲分留去
夙夜曾期共邁征江滿嘉魚常侍膳樓高黃鶴更題名
漢陽近在衡陽北莫待牽迴托鴈聲

贈蔬枿隱者宋射陵

衰時如奕又何營已覺乾坤罷一枰三逕無花留廢土
百年有樹落悲聲范睢轂解車中匿韓信支離勝底行
世事輸贏甘後着腰鑲倚劍滌園丁

與謝二峯夫子陳階六人令送姚山期之中州

皮相看君已矯然不隨時世受人憐細釐雅樂無桑濮
直紀陽秋有歲年落日照殘枝氏宅流風吹入汴河船
放歌且共花間醉斤垓中原未罷煙

知己

忽漫西方無限情滿推肝膽托平生久要一紙親相授
憑向中天日正明

淮陰行

獨上淮陰城四望淮陰市韓侯安在哉漂母長已矣浮
世從無人百年名聲各愛惡人齒顯達榮華安可忽所

貴遠害身無否韓侯智畧高天下能擇真人赤帝子誠
知天授非人力三分不取乃如彼下齊何事請假王遂
伏誅夷自茲始躡足無非駕馭謀亦識蓋世雄心但爾
爾祇一迴看定趙收燕時遣使即請封張耳大都勲業
人富貴實所以於人多厚望而最重知已韓侯不反漢
高祖殊諒只豈其真豪傑不計勢與理功名太盛天亦
忌心氣自驕人必毀何當送迎跪拜焚將軍會應縛向
長樂鍾室死駕時肯謝前通言落勢翻授陳彭肯等閒
絳灌羞同列突忽產祿恐相比厚已畏其能暴長猶不
已上變到后前母乃則天豈丈夫慎勿與人建立非常
功不是伊周禍即倚那便憐類當無存君不見無辜萬
骨吹暴七十餘郊壘韓侯臺上晚啼鳥韓侯臺下日流
水汨汨長哀行路人赤松遊者安羅此吁嗟呼世間爲
德原難終人家矢報亦或弛只說河山帶礪猶容騰
下中尉侍居起怨也如斯恩若何彼蒼不廢韓侯祀竟
匿淮陰三歲兒亦有程嬰一輩士冤淚無邊下蕭何族
誅不得逞呂維韓侯威望重中外趙佗受書賜以氏半
姓於昭韋土官迄今世衍海之澳獨憐惡少少撫撻拳
勇凌厲之風胡於底淮陰行淮陰行今昔同悲相去幾
王孫受侮侯受紿高祖何憐后且喜我但心傷千九百

歲漂母無弱不勝雛之人勸汝止

• 老人歌爲外祖張又叅太公賦

孺子何足教跪進老人履一心不肯暫忘秦圯橋之下
三早起當時未得逢老人七尺幾罹大索矣總然雄畫
博浪椎何如從漢頸繫子嬰報韓恥封侯既過穀城山
歲時伏臘羞羊豕只謂老人成神仙老人今在淮陰屢
我亦淮陰一孺子還托老人庇我全回憶五馬渡江初
八方威震皆烽煙亂賊尾其後叛將將其前孺子性命
髮引石踉蹌出走多迷遑一跋一蹙潛吳越草棲露飲
歷四月飢不餓死寒不僵忽聞新詔下南闕恩勤提護
還雙親皮肉重生自白骨老人愛母早愛余大海灌河
河灌渠併一昊天罔極恩欲報之德曾何如問寢視膳
縱非職仰事何容不竭力殷憂每見在中心遑恤他人
逢顏色運行末世多怪變不藥不病長瞑眩醉飽一洽
五倫疎財貨相高百行賤父祖乃較姻婭輕弟兄爭及
臧獲善任當易簪纓綠衣女嫁兒婚各開讎老人戒我
勿復言垂頭讀書閉西軒殺人教至良足畏失金不辨
甘終寃大風起白浪翻浮雲滅青天存老人於今古稀
人閱歷世故非一春孺子少年氣不馴其以老人之言
書諸紳

做唐劉晨阮肇遊天台原韻

千巖萬壑窅然新迎眼風光絕點塵猿鶴望如三島客
蟲魚覺是百年身碧雲輕渡溪溪水紅雨斜飛樹樹春
行到深山最深處玉扉閒靜屬何人

做唐劉阮洞中遇仙子原韻

春山無處不蒼蒼幻作江皋佩渺茫花綴五雲如錦繡
鳳鳴千仞滿笙簧自天縹緲悠閒下適世輕盈繡藉長
不信仙人依洞口等閒亦愛有情郎

做唐仙子送劉阮出洞原韻

人間何事勝天台幾歲他年定再來仙籍有名今自落
洞門無路那還開石橋黯黯昏烟起潭水悠悠獨鳥迴
如此因緣是深淺滿山明月照蒼苔

做唐仙子洞中有懷劉阮原韻

一疊雲霞薜荔裳夢迴別覺洞中長石梁水沒春寥落
天姥峯懸月渺茫野鳥自啼今夜恨閒花空發舊枝香
繇來情最仙人重尚憶風塵薄偉郎

做唐劉阮再到天台不復見仙子原韻

此地依稀別上真青山一去是紅塵舊遊蒼莽渾無迹
仙宅依稀未有鄰煖玉但留天上夢名花已謝世間春
胡麻白石從誰煮思殺風流前度人

螢夜

一樹無塵白玉花。香於梵末。繁於霞唐。昌觀裏難爲貌。
越水溪邊。舊是家。百八鐘聲。雙蟻落。十三天影。半窺遮。
問星。今夕如何。夕螢亦翻飛。五夜餘。

附見玉蕊亭秋夜見螢火人悲傷心未較難梨
花零落。猶花寒。秋今幾個。問螢。螢。消得風簾下上
看。

短歌行

夏日苦長夏。夜苦短。我辰安在。憂心纂纂。日出林間。水
平於掌。風波四起。悠游俯仰。莫登高樓。長使目竭。莫飲
肯酒。中心內熱。百年作計。維以先老。歲不我與。力田維

賢人可以識。鮮可以語。叩須我友。爰獲茂所。

君子行

君子防未然。然作意遠人。境往者自可鑒。來者尤可省。社
樹全。天年。匠石無繇還。末世重雷同。紛紛達厥衷。行推
達大道。豈伊取機。試念卷婁子。殯行來蟻騁。孝子色
然。然。偏容故耿耿。所以社中散。禍患不能屏。行當汗漫
遊。永與時俗冷。

怨歌行

暑退易陰雨。花葉如寒錦。零落亦何怨。怨此秋風吹金
天。厲肅殺一性。不可追。含生委土中。坐看春榮時。春立

雷發聲。春日正遲遲。和光鷹以化。灼華革故枝。佳人提
筐來。秋風空爾爲。

責躬詩

於皇上帝。好生是職。維彼景雲。不別荆棘。蕩蕩周行。顛
當式。匿憫予小子。云何不力。母曰春祖。尚亦有夏荒湛
於日。荒荒在夜。卑不可立。衆水所瀉。今我自棄。胡寧有
暇。母曰重較。草特匪安。母曰夏屋。莫恃匪寬。江河入望
風雨無端。尚慎旃哉。龜勉古歡。先民有訓。如彼大道。無
言不警。無德不報。端端小心。覆謂我暴。矧可忘思。自貶
伊悼。迺瞻迺矚。蠅飛膏膏。實著斯譽。實好斯憎。實訂小

子集。木履水旻。天疾威寧。莫之懲。以歌以誦。母市於色。
亦既捫舌。允猶靡塞。虺蜴角豺狼。且翼崇名。非實最
茲稼穡。嚶嚶小子。而覲於今。德之涼矣。學之不深。誰將
我援懷之好音。我思古人。實勞我心。

不識

不識梨花夢。高情晚若何。世途前輩老。真氣後生多。亦
有閒居賦。將無放意歌。月明自江上。中夜獨經過。

九月二日感舊

空庭落木倚愁吟。霜到天寒水尚深。極目西飛無一雁。
黃花開遍不知簪。